

5072



ՀԱՍՏԱՏՈՒՄ ԵՄ՝

Շրջակա միջավայրի նախարար

Հակոբ Սիմիդյան



« 04 » 05 2025թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 110 - 25

Նախաձեռնող՝

«Մաքուր հայրիկ» ՍՊԸ

Ք. Երևան, Էրեբունի, Խորենացի փողոց, 17 փ.

Գործունեությունը՝

Սիսի ավազի հանքավայրի «Մաքուր հայրիկ»
յրեղամասում նախատեսվող օգտակար հանածոյի
արդյունահանման նպատակով երկրաբանական
ուսումնասիրություն

Արարալի մարզ

Առդիր՝ 5 թերթ

3	4434991.032	8445593.135
4	4435259.000	8445617.000
5	4435222.791	8445919.843
6	4435187.317	8446216.530
7	4435337.535	8446319.930
8	4435232.752	8446425.008
9	4435036.478	8446286.831
10	4434847.441	8446138.039
11	4434672.062	8446005.064
12	4434494.883	8445866.068
13	4434484.655	8445725.483

Հետախուզական փորվածքների միջև հեռավորությունը ընդունվել է հիմնականում 200-300 մ սահմաններում: Հետախուզական աշխատանքներն իրականացվելու են մինչև 50 մ խորությամբ 15 հորատանցքի անցկացման միջոցով, որի ընդանուր ծավալը կկազմի 750 մ:

Հորատանցքերի հորատումից ստացված հանուկի նմուշարկումը կատարվելու է հանուկի ամբողջ երկարությամբ, նմուշների սեկցիայի երկարությունը՝ 5 մ: Ընդամենը վերցվելու է 153 հանուկային նմուշ:

Օգտակար հանածոյի քիմիական և միներալոգիական կազմերը կուսումնասիրվեն 2-ական նմուշով: 2 նմուշով կիրականացվեն նաև լաբորատոր ստուգողական անալիզները: Բնամասում ավազի բնական խտության, զանգվածի և փխրեցման գործակցի որոշման համար մեխանիկական եղանակով կիրականացվեն 2 հետախուզահորի անցման աշխատանքներ: Հետախուզահորերի անցման աշխատանքները կիրականացվեն մեխանիկական եղանակով: Նախատեսվում է անցնել մինչև 4 մետր խորության 2 հետախուզահոր՝ 8 գծամետր ընդհանուր ծավալով: Հետախուզահորերի չափերն են՝ 4.0մ x 2.0մ x1.5մ: Երկրաբանական փաստագրման աշխատանքները նախատեսվում է կատարել 1:50 մասշտաբով: Փաստագրման աշխատանքների ծավալը նախատեսվում է հետևյալ քանակներով.

- հորատանցքերի փաստագրում՝ 750.0 մ,
- հետախուզահորերի փաստագրում՝ 8.0 գծ. մ:

Նախատեսվում է հետախուզահորերի անցման ժամանակ դաշտային պայմաններում երկու կետում որոշել բնամասում ԱԿԽ-ի ծավալային զանգվածը, ինչպես նաև հումքի փխրեցման գործակիցը:

Հորատանցքերից վերցված 153 նմուշից 147-ը կենթարկվեն ֆիզիկամեխանիկական (լրիվ ցիկլով) փորձարկումների, ինչպես նաև 2 նմուշ քիմիական անալիզների, 2 նմուշ հսկողական անալիզների և 2 նմուշ միներալապետրոգրաֆիական ուսումնասիրությունների համար և հետախուզահորերից 2 նմուշ դաշտային պայմաններում ծավալային զանգվածի ու փխրեցման գործակցի որոշման համար:

Երկրաբանական ուսումնասիրության ժամանակ նախատեսվում է, որ կառաջանա չտեսակավորված կենցաղային աղբ, ինչը համապատասխան է հատուկ անթափանց տարողություններում, ապա հեռացվելու է պայմանագրի համաձայն, համայնքի հետ համաձայնեցված:



Տեղամասի տարածքում ընդերքօգտագործման թափոններ չեն առաջանալու:

Խմելու և տեխնիկական նպատակով ջուրը նախատեսվում է բերել Սիս բնակավայրից:

Ռեկուլտիվացիոն աշխատանքներ ընկերությունն իրականացնելու է միայն 2 հետախուզահորից հանված լեռնային զանգվածի ծավալների հետլցման աշխատանքներով, որը կկատարվի մեխանիկական եղանակով: Ընդանուր ծավալը կազմում է 24 մ³ (8.0 մ × 2.0 մ × 1.5 մ), իսկ շրջակա միջավայրի պահպանության դրամագլխին ընկերության կողմից նախատեսվում է հատկացնել 96000 ՀՀ դրամ:

Սիսի ավազի հանքավայրի տարածքը ներառված չէ բնության հատուկ պահպանվող կամ պատմամշակութային հուշարձանների տարածքների սահմաններում: Այստեղ չեն արձանագրվել ՀՀ բույսերի և կենդանիների Կարմիր գրքերում նշված բուսական կամ կենդանական տեսակների աճելա և ապրելավայրեր:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.

-Նավթամթերքները պահեստավորվելու և պահվելու են հատուկ հատկացված տեղում (բացօթյա կամ ծածկով ապահովված պահեստ), ինչին տրվելու է համապատասխան թեքություն, ինչն ապահովելու է թափված նավթամթերքների հոսքը դեպի այն հավաքող բետոնապատված փոսը,
– մեքենաների տեխնիկական սպասարկումն իրականացվելու է մասնագիտացված ընկերությունների տարածքում, որտեղ առկա կլինեն բոլոր անհրաժեշտ պայմանները յուղերի, քսայուղերի փոխարինման, պահպանման և պահեստավորման համար,

-նախատեսվում է արտաթորվող թունավոր նյութերի չեզոքացուցիչ սարքերի տեղադրում:

-աշխատող մեքենայի շարժիչի կարգավորում՝ աղմուկի մակարդակի կարգավորման և կենդանական աշխարհի վրա բացասական ազդեցության նվազեցման նպատակով:

- Նախատեսվում է օգտագործել մեքենաներ և մեխանիզմներ, սարքավորումներ և նյութեր, որոնք համապատասխանում են անվտանգության պահանջներին և սանիտարական նորմերին:

Օգտակար հանածոյի արդյունահանման ընթացքում ընկերությունն իրականացնելու է շրջակա միջավայրի վրա բացասական ազդեցության կանխարգելմանն ու մեղմացմանն ուղղված հետևյալ մշտադիտարկումները.

-մթնոլորտային օդ կատարվող աղտոտող նյութերի արտանետումների որակական և քանակական պարամետրերի պարբերական չափումներ՝ շաբաթական մեկ անգամ,

- հողային ծածկույթի մշտադիտարկումներ՝ տարեկան մեկ անգամ,

-ստորգետնյա ջրերի մշտադիտարկումներ՝ ամսական մեկ անգամ,

-հանքի հարակից տարածքում վայրի բնության, կենսաբազմազանության մշտադիտարկումներ՝ տարեկան մեկ անգամ,

-աղմուկի և թրթռման մակարդակի մշտադիտարկումներ՝ ամսական մեկ անգամ:

Մշտադիտարկումների իրականացման նպատակով նախատեսվում է մասնահանել 250 000ՀՀ դրամ:

Պատճառաբանական մաս. Օրենսդրությամբ սահմանված կարգով՝ Արարատի մարզի Սիսի ավազի հանքավայրի «Մաքուր հատիկ» տեղամասում նախատեսվող օգտակար հանածոյի արդյունահանման նպատակով երկրաբանական ուսումնասիրության աշխատանքների վերաբերյալ իրականացվել է հանրային լսում Արարատի մարզի Մասիս համայնքի Սիս բնակավայրում, որի ընթացքում տեղական ինքնակառավարման մարմնի ու հանրության կողմից նախատեսվող գործունեության իրականացումը հավանություն է ստացել: Փորձաքննական գործընթացին



մասնակցել են շրջակա միջավայրի նախարարության ստորաբաժանումները, առողջապահության, ներքին գործերի, կրթության, գիտության, մշակույթի և սպորտի նախարարությունները, կադաստրի կոմիտեն, Մասիսի համայնքապետարանը և Արարատի մարզպետարանը:

Նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները կկրեն ժամանակավոր բնույթ և բնապահպանական միջոցառումների իրականացման արդյունքում կլինեն թույլատրելի նորմերի սահմաններում:

Փորձաքննական պահանջներ

Աշխատանքների իրականացման ընթացքում առաջնորդվել Կառավարության 2018 թվականի փետրվարի 22-ի 191-Ն որոշման պահանջներով, շրջակա միջավայրի բաղադրիչների /մթնոլորտային օդ, հողային ծածկույթ, կենսաբազմազանություն/ մշտադիտարկումների արդյունքների տարեկան հաշվետվությունը նշված որոշմամբ սահմանված ժամկետներում և ձևաչափով ներկայացնել լիազոր մարմին:

-Երկրաբանական ուսումնասիրության աշխատանքների ընթացքում անհրաժեշտ է ապահովել և պահպանել բնապահպանական կառավարման պլանում և մշտադիտարկման ծրագրում նախատեսված միջոցառումների իրականացումը:

- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն՝ աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից դադարեցնել աշխատանքները և դրա մասին անհապաղ տեղեկացնել լիազորված մարմնին՝ համապատասխան պահպանման միջոցառումներ իրականացնելու համար:

-Գործունեությունն իրականացնելիս հողային ռեսուրսների պահպանությունն անհրաժեշտ է կատարել ՀՀ կառավարության 2011թ. սեպտեմբերի 8-ի N1396-Ն և Կառավարության 2017թ-ի նոյեմբերի 2-ի թիվ 1404-Ն որոշումների պահանջներին համապատասխան:

-Առաջնորդվել ՀՀ կառավարության 2005 թվականի հունվարի 20-ի «ջրաէկոհամակարգերի սանիտարական պահպանման, հոսքի ձևավորման, ստորերկրյա ջրերի պահպանման, ջրապահպան, էկոտոնի և անօտարելի գոտիների տարածքների սահմանման չափորոշիչների մասին» N 64-Ն որոշման պահանջներով:

ԵԶՐԱՓԱԿԻՉ ՄԱՍ

«Մաքուր հատիկ» ՍՊԸ-ի կողմից փորձաքննության ներկայացված Սիսի ավազի հանքավայրի «Մաքուր հատիկ» տեղամասում նախատեսվող օգտակար հանածոյի արդյունահանման նպատակով երկրաբանական ուսումնասիրության շրջակա միջավայրի վրա ազդեցության



գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի տնօրենի
ժամանակավոր պաշտոնակատար՝



Սևակ Մարկոսյան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի տնօրենի տեղակալ՝

Հերիքնազ Մկրտչյան

«Շրջակա միջավայրի վրա ազդեցության փորձաքննական
կենտրոն» ՊՈԱԿ-ի առաջատար մասնագետ՝

Գոհար Մինասյան